

## განმარტებითი ბარათი

საქართველოს კანონში „მაუწყებლობის შესახებ“ ცვლილებებისა და დამატებების შეტანის შესახებ

ა) ზოგადი ინფორმაცია კანონპროექტის შესახებ

ა.ა) კანონპროექტის მიღების მიზეზი:

წარმოდგენილი კანონპროექტის მიღების მიზეზს წარმოადგენს საქართველოში მედია მდგომარეობის გაუმჯობესება. კანონპროექტით წარმოდგენილია სხვადასხვა მიმართულებით რეფორმების განხორციელების კონკრეტული წინადადებები. კერძოდ, მასთ ქერისა და მასტ ოფერის სამართლებრივი გარანტიები მოქმედებს მხოლოდ წინასაარჩევნო კამპანიის პერიოდში, რაც არ ქმნის მედია მრავალფეროვნებისათვის საკმარის გარანტიებს, შესაბამისად, აუცილებელია რეგულაციები მედია პლურალიზმის სამართლებრივი საფუძვლების გამყარებისათვის. კანონპროექტის მიღების დამატებით მიზეზს წარმოადგენს მედიის პოლიტიკური გავლენისაგან განთავისუფლება, რაც კანონპროექტის ავტორებს შეუძლებლად მიაჩნიათ მედია საშუალებების დაფინანსების გამჭვირვალობის სტანდარტების დამკვიდრების გარეშე. ასევე, საზოგადოებრივი მაუწყებლისა და აჭარის ავტონომიური რესპუბლიკის ტელერადიო დეპარტამენტის რეფორმირება.

**მაუწყებლობის სავალდებულო ტრანზიტის (MUST CARRY და MUST OFFER რეგულაციების) არარსებობა**

*Must Carry*

საქართველოს კანონმდებლობა არ ითვალისწინებს მაუწყებლობის სავალდებულო ტრანზიტის მუდმივმოქმედ ნორმებს. შესაბამისად, მაუწყებლობის ტრანზიტის განმახორციელებელი ოპერატორები მხოლოდ კომერციული ინტერესების შესაბამისად მოქმედებენ, რის გამოც, რიგ შემთხვევებში გაუთვალისწინებელი და დაუცველი რჩება საჯარო ინტერესები. ამ თვალსაზრისით, ნიშანდობლივია, რომ ხშირად საკაბელო ოპერატორები უარს აცხადებენ სწორედ იმ ტელევიზიების მაუწყებლობის ტრანზიტზე, რომელთა სამაუწყებლო ბადე შეიცავს ჟურნალისტურ გამოძიებებს და დებატებს საზოგადოებრივ და პოლიტიკურ საკითხებზე. ასევე მოქმედი კანონმდებლობა არ განსაზღვრავს მაუწყებლობის ფასიანი ტრანზიტის პირობებს. აღნიშნულიდან გამომდინარე, ხსენებულ ოპერატორებს საშუალება აქვთ, არაგონივრულად განსხვავებული ტარიფები დაუწესონ სხვადასხვა ტელეკომპანიებს, რაც, არაკონკურენტულ გარემოს უქმნის სატელევიზიო მაუწყებლებს.

*Must Offer*

ეროვნულ მაუწყებლებს სიხშირული სპექტრი (შეზღუდული რესურსი) საქართველოს ყველა სამაუწყებლო ზონაში აქვთ მინიჭებული, რითაც აღნიშნული ტელეკომპანიები ქვეყანაში მოქმედ სხვა მაუწყებლებთან მიმართებით<sup>1</sup> უპირატეს მდგომარეობაში აღმოჩნდნენ. აღნიშნულმა გარემოებამ ხელი შეუწყო ეროვნული მაუწყებლების შესაძლებლობების განვითარებას და ქვეყანაში მათ ყველაზე რეიტინგულ სატელევიზიო არხებად ჩამოყალიბებას.

ბოლო პერიოდში, ეროვნულმა მაუწყებლებმა რიგი საკაბელო ოპერატორების მომსახურების პაკეტიდან თავიანთი სიგნალის გათიშვა მოითხოვეს, რაც შემდეგ სირთულეებს ქმნის:

იროვევა იმ მომხმარებელთა უფლებები, რომლებმაც კონკრეტული მომსახურების, მათ შორის, ეროვნული მაუწყებლების სიგნალის მიღების მიზნით მომსახურების საფასური გადაიხადეს, თუმცა საკაბელო ოპერატორების პაკეტიდან აღნიშნული სატელევიზიო არხების გათიშვის გამო, მათ სიგნალს ვეღარ იღებენ. მომხმარებლებს შესაძლებლობა აქვთ ეროვნული მაუწყებლების მომსახურება სხვა ტექნიკური საშუალებებით, უფასოდ მიიღონ, მაგრამ რიგ შემთხვევებში, ეს დამატებითი ტექნიკური აღჭურვილობის დამონტაჟებას ან საკაბელო ოპერატორებისაგან უკვე შეძენილ მომსახურებაზე უარის თქმას მოითხოვს.

### **მედია საშუალებების ფინანსური გამჭვირვალობის გარანტიები**

მიუხედავად იმისა, რომ მედია საშუალებების ბენეფიციარი მფლობელების ვინაობა საჯაროა, აღნიშნული საკანონდებლო გარანტიების არსებობამ ვერ უზურუნველყო სატელევიზიო მედიის პოლიტიკური გავლენისაგან თავისუფლება. 2012 წლის 1 ოქტომბრის საპარლამენტო არჩევნების შემდეგ მედიაში მომხდარმა მოვლენებმა ნათელი გახადა დაფინანსების გამჭვირვალების უზრუნველყოფის განსაკუთრებული მნიშვნელობა.

აუცილებელია საერთო ეროვნული ლიცენზიის მქონე სუბიექტებმა ჩაატარონ საერთაშორისო სტრანდარტების შესაბამისი აუდიტები, მათ შორის საზოგადოებრივმა მაუწყებელმა. რაც შეეხება, სხვა ტელეკომპანიებს მათ მიერ ჩასატარებელი აუდიტის მიმართ არ იქნება წაყენებული მსგავსი მაღალი მოთხოვნები, თუმცა ისინი ვალდებული იქნებიან კომუნიკაციების ეროვნული კომისიის მიერ შერჩეულ აუდიტორულ კომპანიებს განახორციელებინონ აუდიტი. ერთ-ერთი უმნიშვნელოვანესი მოთხოვნაა, ამ აუდიტის დასკვნების სრული ვერსიების საჯაროობა. მაუწყებელმა ეს დასკვნები უნდა განათავსოს საკუთარ ვებ-გვერდზე. ამასთან, მაუწყებელი ვალდებულია კვარტალში

<sup>1</sup> საკაბელო ტელეკომპანიები; მაუწყებლები, რომლებიც სიხშირებს ფლობენ ერთ ან რამოდენიმე სამაუწყებლო ზონაში; სატელიტით მაუწყებლები.

ერთხელ წარდგინოს კომუნიკაციების ეროვნულ კომისიას ანგარიში სარეკლამო შემოსავლების შესახებ. აღნიშნული ანგარიშის წარდგენის ვადად განისაზღვრა ყოველი კვარტლის დასრულების შემდეგ 15 დღე. მაუწყებელი ვალდებულია აღნიშნული ანგარიში არა უგვიანეს 24 საათისა ატვირთოს საკუთარ ვებ-გვერდზე.

მნიშვნელოვანია, რომ მაუწყებლების ფინანსური გამჭვირვალობის უზრუნველსაყოფად გამჭვირვალე უნდა იყოს მისი მფლობელებისა და მათი ოჯახის წევრების შემოსავლების შესახებ ინფორმაცია. მაუწყებლობის ლიცენზიის მქონე ფიზიკური და იურიდიული პირები ვალდებული იქნებიან შეავსონ კომუნიკაციების ეროვნული კომისიის მიერ დამტკიცებული დეკლარაციის ფორმები, რაც ასევე, საჯარო და ხელმისაწვდომი იქნება ნებისმიერი დაინტერესებული პირისათვის.

საქართველოში არსებულმა პრაქტიკამ აჩვენა, რომ ტელეკომპანიები მნიშვნელოვან დაფინანსებას იღებდნენ საბიუჯეტო წყაროებიდან (სახელმწიფო, ადგილობრივი)თან აღნიშნული დაფინანსების შესაფებ ინფორმაციის მოპოვება პრაქტიკულად შეუძლებელი იყო სასამართლო დავების წარმოშობის შემთხვევაშიც კი. კანონპროექტის მიღების ერთ-ერთი მიზეზი ამ პრობლემის აღმოფხვრაა. შესაბამისად, შემოთავაზებულია სახელმწიფო თუ ადგილობრივი თვითმმართველობების მიერ საეთერო/სარეკლამო დროის შესყდვა მხოლოდ და მხოლოდ ტენდერის საშაულებით და ისიც მხოლოდ იმ შემთხვევაში, თუ აღნიშნული შესყიდვა გათვალისწინებულია საბიუჯეტო ორგანიზაციის კონკრეტული მუხლით.

### ***საზოგადოებრივი მაუწყებელი და აჭარის ავტონომიური რესპუბლიკის ტელერადიო დეპარტამენტი***

საზოგადოებრივი მაუწყებლის დამოუკიდებელი და მიუკერძოებელი საქმიანობისათვის აუცილებელია მისი ძირეული რეფორმირება და აჭარის ავტონომიური რესპუბლიკის ტელევიზიისა და რადიომაუწყებლობის დეპარტამენტის სტატუსის განსაზღვრა პრინციპით „ერთი ქვეყანა - ერთი საზოგადოებრივი მაუწყებელი“. მნიშვნელოვანია, რომ ქვეყანაში არ უნდა არსებობდეს სახელმწიფო მაუწყებელი. ამავდროულად, უნდა შემუშავდეს მისი გარდაქმნის ისეთი ფორმა, რომელიც გაითვალისწინებს ავტონომიური რესპუბლიკის ინტერესებს.

არსებულმა პრაქტიკამ აჩვენა, რამდენად ხარვეზიანია საზოგადოებრივი მაუწყებლის ხელმძღვანელი ორგანოების შერჩევის წესი. დღეს მოქმედი ნორმებით, სამეურვეო საბჭო ძირითადად ერთპიროვნული გადაწყვეტილების



წესდება აუდოტორული დასკვნების სრულად გამოქვეყნების ვალდებულება;

- წესდება სარეკლამო შემოსავლების ყოველკვარტალურად გამოქვეყნების ვალდებულება;
- შემოაქვს საბიუჯეტო ორგანიზაციების მიერ საეთერო/სარეკლამო დროის შესყიდვის მკაცრი წესები.

### **საზოგადოებრივი მაუწყებლისა და აჭარის ავტონომიური რესპუბლიკის ტელერადიო დეპარტამენტის რეფორმა.**

კანონპროექტი გულისხმობს ცვლილებების და დამატებების შეტანას „მაუწყებლობის შესახებ“ კანონში. კერძოდ, კანონს ემატება III<sup>1</sup> თავი სახელწოდებით „საზოგადოებრივი მაუწყებლის აჭარის ტელევიზია“, მოცემულ თავში მოწესრიგებულია საზოგადოებრივი მაუწყებლის აჭარის ტელევიზიის, მისი ხელმძღვანელი ორგანოების ფორმირების და საქმიანობის წესები.. მნიშვნელოვანია, რომ საზოგადოებრივი მაუწყებლის აჭარის ტელევიზიის ბიუჯეტი არის საქართველოს საზოგადოებრივი მაუწყებლის ერთიანი ბიუჯეტის ნაწილი. შემოთავაზებული ინიციატივა ადგენს მისთვის საერთო ბიუჯეტიდან გამოსაყოფი თანხის მინიმალურ ოდენობას – საქართველოს საზოგადოებრივი მაუწყებლის მთლიანი ბიუჯეტის არანაკლებ 15%. ამ კანონის ამოქმედებიდან ერთი თვის ვადაში აჭარის ავტონომიური რესპუბლიკის მთავრობამ უზრუნველყოს საზოგადოებრივი მაუწყებლის აჭარის ტელევიზიისათვის კანონით დადგენილი წესით ქონების გადაცემა მისი არსებობის ვადით. საზოგადოებრივი მაუწყებლის აჭარის ტელევიზია იქმნება აჭარის ტელერადიო დეპარტამენტის საკუთრებაში არსებული ქონების ბაზაზე

კანონპროექტის ცვლილებების არსი ასევე მდგომარეობს იმაში, რომ სამეურვეო საბჭო გახდეს უფრო ეფექტიანი, უნდა შეიცვალოს მისი ფორმირებისა და პასუხისმგებლობის წესები. სამეურვეო საბჭოს რაოდენობა მცირდება 9 წევრამდე. საქართველოს პარლამენტისათვის წარსადგენ კანდიდატებს, საქართველოს პრეზიდენტის ნაცვლად, შეარჩევს საქართველოს პარლამენტის თავმჯდომარის მიერ ყოველი კონკურსისათვის საგანგებოდ შექმნილი კომისია. პარლამენტის თავმჯდომარე პარლამენტის უმრავლესობასთან, პარლამენტის დანარჩენ წევრებთან, აჭარის ავტონომიური რესპუბლიკის უმაღლეს საბჭოსთან და სახალხო დამცველთან კონსულტაციების შედეგად საქართველოს პარლამენტს წარუდგენს საკონკურსო კომისიის კანდიდატებს ასარჩევად. კომისიაში უნდა შედიოდნენ სამოქალაქო საზოგადოების, აკადემიური წრეების წარმომადგენლები. კომისია შეარჩევს მეურვეობის კანდიდატებს და საქართველოს პარლამენტის უმრავლესობას, პარლამენტის დანარჩენ წევრებს, აჭარის ავტონომიური

რესპუბლიკის უმაღლეს საბჭოსა და სახალხო დამცველს წარუდგენს ასარჩევზე სულ ცოტა სამჯერ მეტ კანდიდატურას. კანდიდატურის შეფასების კრიტერიუმები განისაზღვრება აღნიშნული კომისიის დებულებით. საქართველოს პარლამენტი სიითი შემადგენლობის უმრავლესობით ირჩევს ერთ მეურვეს აჭარის ავტონომიური რესპუბლიკის უმაღლესი საბჭოს წარდგინებით, ორ მეურვეს სახალხო დამცველის წარდგინებით, სამს საპარლამენტო უმრავლესობის, ხოლო სამს – პარლამენტის დანარჩენი წევრების არანაკლებ ერთი მეოთხედის წარდგინებით.

**ბ) კანონპროექტის ფინანსური დასაბუთება**

**ბ.ა) კანონპროექტის მიღებასთან დაკავშირებით აუცილებელი ხარჯების დაფინანსების წყარო:**

სახელმწიფო ბიუჯეტი.

**ბ.ბ) კანონპროექტის გავლენა ბიუჯეტის საშემოსავლო ნაწილზე:**

კანონპროექტის მიღება გავლენას არ მოახდენს ბიუჯეტის საშემოსავლო ნაწილზე.

**ბ.გ) კანონპროექტის გავლენა ბიუჯეტის ხარჯვით ნაწილზე:**

კანონპროექტის მიღება გავლენას იქონიებს ბიუჯეტის ხარჯვით ნაწილზე. 2013 წლის აჭარის ბიუჯეტით აჭარის ტელე-რადიო დეპარტამენტის დაფინანსება განსაზღვრულია 2613000 ლარით. ვინაიდან აჭარის ტელე-რადიო დეპარტამენტის წლიური დაფინანსება უკანასკნელი წლებია საშუალოდ შეადგენს 5500000 ლარს, სავარაუდოდ, სახელმწიფო ბიუჯეტის ხარჯვითი ნაწილი გაიზრდება 2887000 ლარით, რათა საზოგადოებრივი მაუწყებლის აჭარის ტელევიზიად გარდაქმნილი აჭარის ტელე-რადიო დეპარტამენტის დაფინანსებამ 2013 წელს შეადგინოს 5500000 ლარი.

კანონპროექტი აგრეთვე, გავლენას იქონიებს აჭარის ავტონომიური რესპუბლიკის ბიუჯეტზე შემცირების მიმართულებით. ვინაიდან, კანონპროექტით გათვალისწინებულია აჭარის ავტონომიური რესპუბლიკის ტელე-რადიო დეპარტამენტის გარდაქმნა საზოგადოებრივი მაუწყებლის აჭარის ტელევიზიად და იგი დაფინანსდება სახელმწიფო ბიუჯეტიდან.

**ბ.დ) სახელმწიფოს ახალი ფინანსური ვალდებულებები:**

კანონპროექტის მიხედვით სახელმწიფო არ იღებს ახალ ფინანსურ ვალდებულებას.

**ბ.ე) კანონპროექტის მოსალოდნელი ფინანსური შედეგები იმ პირობათვის, რომელთა მიზართაც ვრცელდება კანონპროექტის მოქმედება:**

კანონპროექტი არ ითვალისწინებს აღნიშნულ ფინანსურ შედეგებს.

**ბ.ვ) კანონპროექტით დადგენილი გადასახადის, მოსაკრებლის ან სხვა სახის გადასახდელის ოდენობის განსაზღვრის წესი (პრინციპი):**

კანონპროექტი არ ითვალისწინებს გადასახადს, მოსაკრებელს ან სხვა სახის რაიმე გადასახდელს.

**ბ) კანონპროექტის მიმართება საერთაშორისო სამართლებრივ სტანდარტებთან.**

**ბ.ა) კანონპროექტის მიმართება ევროკავშირის დირექტივებთან:**

კანონპროექტის მიღება არ ეწინააღმდეგება ევროკავშირის დირექტივებს.

**ბ.ბ) კანონპროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან:**

კანონპროექტის მიღებით საქართველოს კანონმდებლობა უზრუნველყოფს პლურალისტური მედია გარემოსა და პოლიტიკური გავლენისაგან თავისუფალი მედიის არსებობას, რაც შესაბამისობაში მოვა ევროპის ადამიანის უფლებათა და თავისუფლებათა კონვენციის მეათე მუხლით დადგენილ სტანდარტებთან.

**ბ.გ) კანონპროექტის მიმართება საქართველოს ორმხრივ და მრავალმხრივ ხელშეკრულებებთან:**

კანონპროექტი არ ეწინააღმდეგება საქართველოს ორმხრივ და მრავალმხრივ ხელშეკრულებებს.

**დ) კანონპროექტის მომზადების პროცესში მიღებული კონსულტაციები.**

**დ.ა) სახელმწიფო, არასახელმწიფო ან/და საერთაშორისო ორგანიზაცია/ დაწესებულება, ექსპერტები, რომლებმაც მონაწილეობა მიიღეს კანონპროექტის შემუშავებაში, ასეთის არსებობის შემთხვევაში:**

კანონპროექტის შემუშავებაში მონაწილეობა მიიღო არასახელმწიფო, არასამთავრობო და საერთაშორისო ორგანიზაცია/დაწესებულებების წარმომადგენლებმა.

**დ.ბ) კანონპროექტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება კანონპროექტის მიმართ, ასეთის არსებობის შემთხვევაში:**

კანონპროექტის რედაქციაში ასახულია შემუშავების პროცესში ზეპირსიტყვიერად გამოთქმული შეჯერებული მოსაზრებები.

**ე) კანონპროექტის ავტორი:**

კანონპროექტის ავტორები: ელისო ჩაფიძე, ლაშა ტულუში, ზვიად ქორიძე, თამარ კორძაია, ლიკა საჯაია.

**ვ) კანონპროექტის ინიციატორი:**

საქართველოს პარლამენტის წევრები: ელისო ჩაფიძე, მურმან ღუმბაძე.